

**Federacija Bosne i Hercegovine
Federalno ministarstvo zdravstva
Sektor za realiziranje projekata**

Kvartalni Izvještaj o napretku

PROJEKTA

**„Jadranski model održive mobilnosti u oblasti zdravstvene zaštite“
(IPA Program jadranske prekogranične suradnje i AdrihealthMob projekat)
za period 01. juli – 30. septembar 2015. godine**

Oktober 2015. god.

SADRŽAJ

Uvodne informacije.....	3
Ciljevi.....	3
Aktivnosti.....	4
Radni paket 1 – Upravljanje projektom	5
Cilj i uvodne informacije.....	5
Aktivnost 1.1. – Administrativne aktivnosti (Izvještavanje).....	5
Naredne planirane aktivnosti.....	5
Aktivnost 1.2. – Upravni odbor projekta (Sastanci).....	5
Naredne planirane aktivnosti.....	6
Aktivnost 1.3. – Nabavka računarske opreme.....	6
Radni paket 2 – Promotivne aktivnosti	6
Cilj i uvodne informacije.....	6
Aktivnost 2.1. – Promocija projekta.....	6
Naredne planirane aktivnosti.....	6
Radni paket 3 – Kapitalizacija i održivost	6
Cilj i uvodne informacije.....	6
Radni paket 4 – Analize, istraživanja, studije	7
Cilj i uvodne informacije.....	7
Aktivnost 4.1. – Prikupljanje podataka od strane partnera	7
Naredne planirane aktivnosti.....	7
Aktivnost 4.2. – Prikupljanje podataka u BiH	7
Naredne planirane aktivnosti.....	7
Radni paket 5 – Alati za održive promjene mobilnosti u sistemu pružanja usluga zdravstvene zaštite i zdravstvene njege.....	8
Cilj i uvodne informacije.....	8
Aktivnosti.....	8
Naredne planirane aktivnosti.....	8
Radni paket 6 – Pilot aktivnosti	9
Cilj i uvodne informacije.....	9
Aktivnosti.....	9
Naredne planirane aktivnosti.....	9
Radni paket 7 – Udruženi i održivi transport u zdravstvu.....	9
Cilj i uvodne informacije.....	9
Aktivnosti.....	9
Naredne planirane aktivnosti.....	10

Uvodne informacije

Na osnovu potpisanog IPA Ugovora o subvenciji zaključenog između "Direzione Affari della Presidenza, Politiche Legislative e Comunitarie programmazione, Parchi, Territorie, Valorizzazioni ambientali, Energia-Servizio Cooperazione Territoriale-IPA Adriatic" koja nastupa kao Upravno tijelo Jadranskog programa prekogranične saradnje i Federalnog ministarstva zdravstva, Vlada Federacije Bosne i Hercegovine je na 131. sjednici, održanoj 10.09.2014. godine, donijela Odluku o prihvatanju granta namijenjenog za finansiranje Projekta Jadranskog modela održive mobilnosti u oblasti zdravstvene zaštite.

Ukupan budžet za implementaciju Projekta osiguran je iz granta Europske pomoći za unaprjeđenje regionalne saradnje u oblasti zdravstva između osam zemalja IPA jadranske inicijative (Federacija BiH, Hrvatska, Albanija, Crna Gora, Grčka, Italija i Slovenija) u smislu unapređenja razmjene informacija, dostupnosti zdravstvenih usluga, racionaliziranja mobilnosti korisnika i pružaoca zdravstvenih usluga.

Ukupni budžet u iznosu od EUR 6.293.496,41 dodijeljen Projektom partnerstvu za aktivnosti na provedbi Projekta se sastoji od programskog doprinosa i vlastitog dodatnog doprinosa, tamo gdje je to primjenjivo. Ukupni programski doprinos iznosi EUR 6.293.496,41, a sastoji se iz sljedećeg:

- a) Ukupni doprinos Zajednice koji maksimalno iznosi EUR 5.349.471,93, što je ekvivalentno vrijednosti od 85% od ukupnog programskog doprinosa;
- b) Ukupno državno sufinansiranje iznosi EUR 944.024,48, što je ekvivalentno omjeru finansiranja od 15% od ukupnog programskog doprinosa.

Poseban značaj implementacije navedenog projekta predstavlja činjenica da je Federaciji Bosne i Hercegovine i uopće Bosni i Hercegovini prvi put dodijeljen liderski status u implementaciji IPA projekta, odnosno Federalnom ministarstvu zdravstva.

Liderska uloga Federalnog ministarstva zdravstva podrazumijeva obavljanje koordinacije sa svim partnerima, procesuiranje finansijskih sredstava, davanja saglasnosti za dostavljene izvještaje, kao i odgovornosti za implementaciju i rezultate.

Projekat (u daljem tekstu: AdriHealthMob) koordinira i implementira Federalno ministarstvo zdravstva, Sektor za implementaciju projekata.

Ciljevi

Osnovni cilj projekta je razvoj i pilotiranje prekograničnog modela održive i efikasne komunikacije i razmjene podataka i iskustava među pružaocima zdravstvenih usluga i usluga

njege, a u svrhu smanjenja nepotrebnog kretanja korisnika zdravstvenih usluga i usluga njege i pružaoca istih.

AdriHealthMob takođe ima za cilj i da uspostavi trajna i obostrana korisna partnerstva između javnih i privatnih zdravstvenih institucija, univerziteta, istraživačkih centara i donosioca odluka u sektorima zdravstva u oblasti jadransko-jonske makro regije.

Specifični ciljevi projekta su:

- Identifikacija i mapiranje dobrih praksi u sektorima zdravstva i zdravstvene njege u Jadransko-jonskoj makro regiji koji mogu odgovoriti na potrebe održivih modela transporta i kreiranja mreže inovativnih rješenja;
- Definiranje pilot inicijativa za održivi transport u sektorima zdravstva i njege;
- Implementacija sistema za prikupljanje, sistematizaciju i analizu podataka, informacija i strategija sa ciljem planiranja funkcionalnog modela prekograničnog transporta u sektorima zdravstva i njege;
- Uvođenje ICT (informatičke i komunikacijske tehnologije) rješenja u sektore zdravstva i zdravstvene njege unutar Jadransko-jonske makro regije kroz razvoj i pilotiranje IT platforme za komunikaciju i razmjenu podataka i iskustva profesionalca u sektorima zdravstva i zdravstvene njege;
- Modernizacija informacionih tehnologija u sektorima zdravstva i zdravstvene njege kao i uvođenje savremene medicinske opreme na lokacijama povećanog protoka putnika;
- Promocija zajedničkih protokola i predstavljanje prijedloga, vodiča i preporuka za održivu, međusektorsku prekograničnu strategiju za donosiocima odluka u sektorima zdravstva i njege, kao i planiranje modernih i efikasnih transportnih usluga u sektorima zdravstva i njege.

Aktivnosti

Aktivnosti se implementiraju kroz osam komplementarnih i međuovisnih tematskih radnih paketa. Za svaki paket je odgovoran jedan od partnera sa izuzetkom Federalnog ministarstva zdravstva BiH koje je kao lider odgovorno za pripremu i koordinaciju projektnih aktivnosti (radni paketi 0, koji je podrazumijevao pripreme aktivnosti te radni paket 1 koji podrazumijava aktivnosti menadžmenta i koordinacije) te za provođenje mapiranja zdravstvenih institucija i institucija zdravstvene njege (radni paket 4).

Projektne aktivnosti započele su sa identifikacijom postojećih iskustava u oblasti transporta u zdravstvenom sektoru kako bi se definirale buduće aktivnosti za unapređenje ovog sektora.

Nadalje, prikupljanje podataka o zdravstvenim uslugama, mobilnosti u zdravstvu, te njihovoj dostupnosti, predstavljaju jednu od ključnih aktivnosti projekta. Značaj projekta ogleda se u promoviranju novih informacionih tehnologija u sektor zdravstva te uvođenju održivih i

trajnih modela menadžmenta u oblasti zdravstva i zdravstvene njege što će imati snažan uticaj na mobilnost u ovoj oblasti.

Projektne aktivnosti uključuju implementaciju, testiranje, procjenu i validaciju eksperimentalnih inicijativa koje imaju za cilj unapređenje mobilnosti u oblasti zdravstva i zdravstvene njege.

Projektom je također predviđena realizacija protokola o saradnji u oblasti transporta u Jadransko jonskoj regiji.

Radni paket 1 – Upravljanje projektom

Cilj i uvodne informacije

Glavni cilj ovog paketa je da osigura efikasnu implementaciju projekta, uspostavi prekograničnu saradnju za zajednički razvoj. To podrazumijeva uspostavu zajedničkog i efektivnog upravljačkog tijela, definiciju principa saradnje, identifikaciju potencijalnih rizika, donošenje ispravnih odluka i drugo.

Aktivnost 1.1. – Administrativne aktivnosti (Izveštavanje)

U okviru ove aktivnosti, pripremljena su tri narativna i finansijska izvještaja sa svom pratećom dokumentacijom te upućena u proceduru kontrole.

Naredne planirane aktivnosti

1. Priprema sljedećeg izvještaja o aktivnostima za period oktobar 2014. – septembar 2015. te finansijskog izvještaja sa pratećom dokumentacijom.
2. Priprema izmjene budžeta na nivou projekta.

Aktivnost 1.2. – Upravni odbor projekta (Sastanci)

U izvještajnom periodu projektni tim je učestvovao na tri sastanka Upravnog odbora projekta i to u Kopru (Slovenija), 08.07.2015. godine, zatim u Ankoni (Italija), 08.09.2015. te u Kotoru (Crna gora), 28.09.2015. godine. Na sastancima se razgovaralo o sljedećim važnim pitanjima projekta:

- Nedovoljna projekta potrošnja i prognoza budućih kapaciteta potrošnje
- Predstojeće izmjene budžeta
- Aktivnosti pilotiranja vezane uz projektnu platformu
- Tekuće aktivnosti (prikupljanje podataka za wp4, javne nabavke i sl.)
- Dogovoreni su budući koraci, postignuti dogovori i idenitificrana pitanja koje zahtjevaju dodatnu pažnju po svim gore navedenim tačkama. Također, istog dana je održan sastak tehničke jedinice projekta.

Naredne planirane aktivnosti

Učešće na sastanku Upravnog odbora projekta koji će se održati u Beogradu u novembru 2015.

Aktivnost 1.3. – Nabavka računarske opreme

U proteklom periodu provedena je tenderska procedura za nabavku računarske opreme za potrebe projekta, održani su sastanci Komisije za odabir odgovarajućeg ponuđača te sastavljen zapisnik o odabiru.

Naredne planirane aktivnosti

U skladu sa zapisnikom o odabiru slijedi potpisivanje ugovora sa najpovoljnijim ponuđačem kompjuterske opreme.

Radni paket 2 – Promotivne aktivnosti

Cilj i uvodne informacije

Cilj radnog paketa 2 za koji je odgovoran COOSS Marche iz Italije je da rezultate i outpute AdriHealthMob projekta učini vidljivim i pristupačnim široj javnosti i nosiocima projekta. Aktivnosti koje se provode u okviru ovog paketa usmjerene su na poboljšanje efikasnosti komunikacije, razmjene informacija te promocije projektnih aktivnosti. Ove aktivnosti imaju za cilj podizanje svijesti o značaju projekta, te definiranje i promoviranje zajedničkih strategija, politika i protokola. U okviru ovih aktivnosti predviđena je izrada vodiča, planova i strategija te procedura za provođenja monitoringa rezultata projekta.

Aktivnost 2.1. – Promocija projekta

U izvještajnom periodu napravljen je plan promotivnih aktivnosti u okviru projekta te je objavljena informacija o projektnim aktivnostima na web stranici FMZ.

Naredne planirane aktivnosti

1. Priprema specifikacije za nabavku promotivnog materijala

Radni paket 3 – Kapitalizacija i održivost

Cilj i uvodne informacije

Radni paket 3, za koji je odgovoran Politehnički univerzitet Marche iz Italije, podrazumijeva identifikaciju dobrih praksi u jadranskoj jonskoj regiji te pružanje kritičkog i analitičkog osvrta na prošla i trenutna iskustva u modelima transporta i mobilnosti u zdravstvenom

sektoru i sektoru njege, kako bi se definirale strategije za održive modele transporta u prekograničnom zdravstvenom sektoru i sektoru zdravstvene njege.

Aktivnosti u ovom radnom paketu su okončane u prethodnom izvještajnom periodu. Naime, obaveza Federalnog ministarstva zdravstva u okviru ovog paketa bila je da identifikuje dobre prakse u oblasti mobilnosti u zdravstvu. Prikupljeno je sedamnaest upitnika od različitih institucija te prosljeđeno partneru iz Italije.

Radni paket 4 – Analize, istraživanja, studije

Cilj i uvodne informacije

Bosna i Hercegovina; Federacija BiH, pored toga što je lider i ključni koordinator projektnih aktivnosti sa ostalim partnerima je odgovorna za sprovedbu radnog paketa br 4. Ovo podrazumijeva provođenje istraživanja kojim bi se prikupile detaljne informacije o ustanovama koje pružaju zdravstvene usluge, te usluge zdravstvene njege na području Federacije Bosne i Hercegovine, a radi mapiranja postojećih ustanova zdravstvene zaštite i ustanova koje pružaju njegu (javni i privatni sektor).

Aktivnost 4.1. – Prikupljanje podataka od strane partnera

U prethodnom izvještajnom periodu svim partnerima na projektu su distribuirani upitnici o institucijama iz oblasti zdravstva i njege koje je pripremio konsultant Federalnog ministarstva zdravstva. Popunjene upitnike su dostavili Srbija i Albanija.

Naredne planirane aktivnosti

Planirano je prikupljanje svih upitnika popunjenih od strane partnera.

Aktivnost 4.2. – Prikupljanje podataka u BiH

Objavljena je tenderska procedura za angažman agencije za istraživanje i unos podataka. Predmet javne nabavke su usluge prikupljanja podataka o ustanovama koje pružaju usluge zdravstvene zaštite i zdravstvene njege na području Federacije Bosne i Hercegovine, unos prikupljenih podataka o ustanovama koje pružaju usluge zdravstvene zaštite i zdravstvene njege na području Federacije Bosne i Hercegovine, kao i unos prikupljenih podataka od strane partnera na Projektu, sa područja Jadransko-jonske regije.

Naredne planirane aktivnosti

1. Odabir najpovoljnijeg ponuđača i potpisivanje ugovora sa agencijom koja će vršiti usluge prikupljanja i unosa podataka.

2. Pokretanje procedure za angažman konsultanta za analizu i pripremu završnog izvještaja.

Radni paket 5 – Alati za održive promjene mobilnosti u sistemu pružanja usluga zdravstvene zaštite i zdravstvene njege

Cilj i uvodne informacije

Radnog paket 5, za koji je odgovoran „Tetras business consulting, limited liability company“ iz Slovenije, podrazumijeva implementacije informacionih tehnologija u oblasti pružanja zdravstvenih usluga i usluga zdravstvene njege, koje će omogućiti uvođenje održivih i trajnih modela menadžmenta u zdravstvu te ostvariti značajan uticaj na transport i pokretljivost u oblasti zdravstva. Informacione tehnologije predstavljaju ključni alat za održive promjene i inovacije kada je u pitanju mobilnost u oblasti zdravstva te promoviranje optimizacije i racionalizacije transportnog sistema. Uvođenjem informacionih tehnologija će se ostvariti konkretni i operativni rezultati (npr. smanjenjem saobraćaja u glavnim gradovima, smanjiće se emisija opasnih gasova itd.) u skladu sa izvještajem radne grupe o eZdravlju “Redesigning health in Europe for 2020”.

Aktivnosti

Povodom održavanja sastanka na temu predavljanja IT platforme projekta AdriHelathMob u kojem Federalno ministarstvo zdravstva BiH ima vodeću ulogu, 08.07.2015 u Kopru u Sloveniji su se sastali partneri iz 8 država koje učestvuju u ovom projektu. Cilj sastanka je bilo predavljanje IT platforme te trening i certifikacija projektnog osoblja u svrhu njihovog osposobljavanja za pružanje daljnjeg treninga medicinskom osoblju, koje će biti krajnji korisnik platforme. IT platforma predavlja jedan od ključnih rezultata projekta Adrihelathmob. Cilj platforme je da omogući i olakša komunikaciju između doktora i ostalog medicinskog osoblja u zdravstvenim institucijama država jadransko-jonske regije (Italija, Slovenija, BiH, Srbija, Hrvatska, Crna Gora, Grčka, Albanija). IT platforma omogućava direktnu komunikaciju, razmjenu podataka, iskustava i dokumenata između doktora i osoblja na intuitivan, jednostavan, efikasan i pacijentu posvećen način.

Šta je dosad učinjeno: Razvijena je platforma od strane partnera, čeka se na konačnu odluku o DICOM standardu. Projektno osoblje FMZ-a obučeno i certificirano za rad i trening na platformi.

Naredne planirane aktivnosti

Aktivnosti pilotiranja koja uključuje gore navedene stavke

Radni paket 6 – Pilot aktivnosti

Cilj i uvodne informacije

Radni paket 6 za koji je odgovorno Ministarstvo zdravlja R Hrvatske podrazumijeva implementaciju, testiranje, procjenu i validaciju eksperimentalnih inicijativa s ciljem optimizacije usluga transporta u oblasti zdravstva i zdravstvene njege. Pilot aktivnosti se odnose na upotrebu informatičkih resursa u oblast transporta, opremanje aerodroma, implementaciju operativnog centra za daljinsko upravljanje integrisanim sistemom zdravstvene brige i transporta te uspostavljanje sistema rezervacije koji bi bio operativan na cijelom području Jadranske regije. Radni paket 6 uključuje i pripremu internih dokumenata za planiranje, implementaciju, nadzor, procjenu i evaluaciju svih planiranih pilot projekata.

Aktivnosti

Od partnera iz Hrvatske dobili smo specifikaciju za nabavku defibrilatora. Kako je na posljednjem sastanku Upravnog odbora, održanom u Kotoru 29.09.2015. razmatrana je mogućnost nabavke 3 defibrilatora i tri totoma za Bosnu i Hercegovinu. Projektni tim je u uvom izvještajnom periodu radio na pripremi tenderske dokumentacije za nabavku defibrilatora.

Naredne planirane aktivnosti

Naredne aktivnosti podrazumijevaju pripremu tenderske procedure za nabavku te objavu javnog poziva za nabavku defibrilatora.

Radni paket 7 – Udruženi i održivi transport u zdravstvu

Cilj i uvodne informacije

Radni paket 7 za koji je odgovorna Agencija za akreditaciju zdravstvenih ustanova Srbije, podrazumijeva koordiniranje uspostavljanja zajedničkih procedura i prekograničnih protokola o saradnji u oblasti održive transportne strategije u zdravstvenom sektoru. U okviru ovog radnog paketa predviđena je priprema smjernica za definisanje politike, instrumenata, mreža, modela, učesnika i resursa za efikasno usvajanje održivog transportnog modela u oblasti zdravstva.

Aktivnosti

U izvještajnom periodu Federalno ministarstvo zdravstva je odgovorilo na tri upitnika koje je pripremila Agencija za akreditaciju iz Srbije.

Naredne planirane aktivnosti

U narednom periodu pristupit će se prikupljanju podataka koji su neophodni za popunjavanje upitnika koji je pripremio partner iz Srbije a koji se odnosi na prikupljanje informacija o priznavanju diploma u oblasti zdravstva za potrebe daljeg usavršavanje te za potrebe zapošljavanja.